

ŠEFIK DŽAFEROVIĆ

Delegat u Domu naroda Parlamentarne skupštine BiH

24-07-2023 10:48

Broj:

Sarajevo: 24. 7. 2023.

02 - 50 - 8 - 16 - 7 / 23

**PARLAMENTARNA SKUPŠTINA BOSNE I HERCEGOVINE
DOM NARODA**

n/r predsjedavajućeg Nikole Špirića

Predmet: Najava usmenog delegatskog pitanja predsjedavajućoj Vijeća ministara BiH

U skladu sa članom 155. i 156. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), najavljujem postavljanje usmenog delegatskog pitanja na sjednici Doma naroda Parlamentarne skupštine BiH koja će biti održana 25.7.2023. godine.

DELEGATSKO PITANJE

Ako je Vijeće ministara BiH istinski opredijeljeno za evropski put Bosne i Hercegovine i realizaciju 14 ključnih prioriteta iz Mišljenja Evropske unije o zahtjevu BiH za članstvo u EU, zašto utvrđuje zakone koji nisu usklađeni sa pravnom stečevinom Evropske unije, međunarodnim i evropskim standardima?

Obrazloženje

S obzirom da je Bosna i Hercegovina zemlja kandidat za članstvo u Evropsku uniju obavezna je da slijedi međunarodne i evropske standarde posebno kada je u pitanju realizacija 14 ključnih prioriteta iz Mišljenja Evropske unije o zahtjevu BiH za članstvo u EU. To znači da kada Vijeće ministara BiH utvrđuje prijedloge zakona, dužno je da poštuje preporuke i smjernice Evropske komisije. Međutim, već u dva slučaja, prilikom usvajanja Prijedloga zakona o izmjenama i dopunama Zakona o Visokom sudskom i tužilačkom vijeću Bosne i Hercegovine i Prijedloga zakona o slobodi pristupa informacijama na nivou institucija Bosne i Hercegovine, u Vijeću ministara BiH nisu uvažene primjedbe i preporuke Evropske komisije i ostalih relevantnih evropskih institucija. Oba prijedloga zakona dostavljena su u parlamentarnu proceduru u tekstu koji nije usklađen sa pravnom stečevinom EU, na što su zastupnike i delegate pismom upozorili najviši predstavnici međunarodne zajednice u BiH.

Pitanje upućujem predsjedavajućoj Vijeća ministara BiH.

Delegat u Domu naroda
Parlamentarne skupštine BiH

Šefik Džaferović

